



Graubünden reformiert
Grischun refurmà
Grigioni riformato

PUBBLICAZIUN NR. 690 DAL CUSSEGL DA BASELGIA

Primavaira 2026

REGISTER DAL CUNTEGN

Il Cussegl da baselgia evangelic (CB) preschenta a las plaivs e las Regiuns ecclesiasticas (RE) las suandantas tractandas ed infurmaziuns per discussiun ed orientaziun:

1.	consultaziun	2
1.1.	Objects da tractar	2
2.	communicaziuns e retschertgas	2
2.1.	Propostas per la collecta dal mais d'avust	2
2.2.	Novaziuns dal Fondo per la lavur da giuventetgna	2
2.3.	Avis al Fondo diaconia e furmaziun	2
2.4.	Entrada en vigur da la lescha da las plaivs (LP)	2
2.5.	Documentaziun davart la protecziun da datas	3
2.6.	Offerta da cussegliaziun da la Cassa da pensiun en cas da malsogna a lunga durada (>30 dis)	3
2.7.	Visitaziuns atun 2026	4
2.8.	Respostas ad interpellaziuns da las radunanzas d'atun	4
3.	communicaziuns e retschertgas dal decanat	6
3.1.	Predicaturas e predicaturs laics enfin la Sinoda 2029	6
3.2.	Rapports da las predicaturas e dals predicaturs laics	6
3.3.	Renovaziun dals permiss a predicaturas e predicaturs laics	6
3.4.	Proceder per conceder la permissiun a predicaturas e predicaturs laics	6
4.	Rapports regiunals	7
4.1.	Preschentaziun da las provisuras e dals provisurs	7
4.2.	Lavur da diaspora	7
4.3.	Organisaziun da l'instrucziun da religiun 2026/27	7
4.4.	Propostas, impuls e dumondas	7
5.	diversas	8
5.1.	Annunziar mutaziuns	8
5.2.	Giubileums	8
5.3.	Proceder tar midadas en uffizis da pravenda	8
5.4.	Chalender da las collectas 2026	8
5.5.	Sesidas dal CGE 2026	8
5.6.	Sesidas dal CB 2026	8
5.7.	Radunanzas da la Sinoda	9
5.8.	Termins da las radunanzas regiunalas da primavaira 2026	9
5.9.	Termins da las radunanzas regiunalas l'atun 2026	9
5.10.	Inoltrar ils protocols da las radunanzas regiunalas	9
6.	Annexas (Adressas)	11

1. CONSULTAZIUN

1.1. Objects da tractar

I na dat nagins objects da tractar.

2. COMUNICAZIUNS E RETSCHERTGAS

2.1. Propostas per la collecta dal mais d'avust

La collecta dal mais d'avust è destinada per ordinari per in'ovra entaifer il Grischun. Sustegnidas vegnan iniziativa socialas ed ecclesiasticas resp. ovras en noss chantun. Il CB supplitgescha las RE d'inditgar en il protocol las propostas dals projects ch'ins pudess sustegnair cun questa collecta.

2.2. Novaziuns dal Fondo per la lavur da giuventetgna

Per champs ed excursiuns durant l'instrucziun da las confirmadas e dals confirmands pon las plaivs retrair contribuziuns dal Fondo per la lavur da giuventetgna. Il medem vala er per autras occurrenzas cun uffants e giuvenils. Il CB ha dublegià la contribuziun: Da nov paja el 20 francs a di e per persuna.

Las dumondas per contribuziuns ston las plaivs inoltrar enfin 30 dis suenter la fin dal champ u da l'occurrenza. Il formular correspundent è a disposiziun sut «Kirche Praktisch (Beitragsgesuche)».

2.3. Avis al Fondo diaconia e furmaziun

Dal Fondo diaconia e furmaziun (CLB 819) pon las plaivs dumandar contribuziuns per projects da la diaconia u da la promoziun da la cuminanza. Il CB supplitgescha las plaivs da profitar da questa pussaivladad. Pli che in mez milliun francs èn pronts per projects dal gener. Senza propostas da la basa na pon ins dentant betg trair a niz quests meds.

Il scopo da l'utilisaziun dal Fondo è circumscrit a moda largia uschè ch'ins po sustegnair in vast dumber da finamiras. En il sector da la diaconia èn quai per exempel projects che rinforzan la solidaritad u l'equalitad da las schanzas, che creeschan structures per la cussegliaziun e l'accompagnament simpla e nunbirocratica u che garanteschon la rait d'offertas da sustegniments existents. En il sector da la promoziun da la cuminanza sustegn il Fondo projects da diversas gruppas da vegliadetgna u rinforza ina iniziativa participativa da collavuraziun cun auters acturs.

Dumenzas per contribuziuns pon las plaivs u las RE inoltrar a scrit e cun ina curta motivaziun al CB.

Cun questa chaschun vulain nus render attent che la Baselpgia chantunala administreschan anc ina retscha d'auters fondos e fundaziuns. La glista è da vesair sut «Kirche Praktisch» (guarda sut «Finanzas»). Indicaziuns specificas chattan ins en ils reglaments correspundents en la collecziun da leschas. Noss administratur da finanzas Marcel Schädler (contact guarda en l'annexa) As infurmescha gugent davart las pussaivladads per contribuziuns.

2.4. Entrada en vigur da la lescha da las plaivs (LP)

Ils 1 da schaner 2026 è la lescha da las plaivs (LP, CLB 210) entrada en vigur. Cun quai avain nus cuntanschi in term impurtant da la constituiun nova e realisà ina basa segira per la lavur da las plaivs en l'avegnir. Tar questa LP ha il CB elavurà ina ordinaziun che è medemamain entrada en vigur cun l'entschatta da l'onn nov.

Da nov han las plaivs la pussaivladad da recepir sco commembers er persunas che han lur domicil ordaifer il territori da la plaiv (art. 43 LP). En ils suandants trais cas è quai pussaivel: a) persunas cun

domicil da taglia limità (abitants secundars), b) persunas da la plaiv ch'èn idas d'avent, c) commemb-ras e commembers d'autoritads sco er emploiadas ed emploiads, voluntarias e voluntaris. Sch'ina plaiv vul profitar da la pussaivladad sto ella adattar adequatamain sia constituziun. Ina constituziun da muster revedida è a disposiziun sut «Kirche Praktisch («Kirchgemeinde»)). Sch'ina plaiva na vul conceder il commembradi a naginas persunas domiciliadas ordaifer ses territori, na sto ella betg re-veder sia constituziun. Tenor il basegn è ina revisiun pussaivla er pli tard.

Il CB ha incaricà ina grupp da project da far ils pass suandants d'implementar la lescha da las pla-ivs. Quella vegn ad infurmar a temp inditgà davart ils resultats.

2.5. Documentaziun davart la protecziun da datas

In feigl d'infurmaziun e videos da scolaziun davart la protecziun da datas è a disposiziun sut «Kirche Praktisch». Il CB intimescha las plaivs da resguardar cunscienziusamain la segirezza da datas e da prender las mesiras necessarias.

Persuna da contact per dumondas giuridicas è la cussegliera da baselgia Raphaela Holliger (raphaela.holliger@gr-ref.ch). Tar dumondas tecnicas sustegn Vus l'administratur da finanzas Marcel Schädler (coordinatas da contact guarda en l'annexa).

2.6. Offerta da cussegliaziun da la Cassa da pensiun en cas da malsogna a lunga durada (>30 dis)

Ils davos mais è s'augmentà il dumber da cas da malsogna cun temp d'inactivad da pli che 30 dis. Per ils pertutgads e lur patruns è quai cumbinà savens cun malsegirezza damai ch'ellas ed els na conuschan betg ils pass necessaris e las purschidas pussaivlas da cussegliaziun. Per ch'ils posts corrects possian vegnir infurmads ad uras e che quels possian dar las prestaziuns ed il sustegn, èn ils suandants pass necessaris:

1. Obligaziun d'annunzia en cas da malsogna (collavuratura/collavuratur)

- Informar immediatamain il post surordinà da l'incapacitad da lavurar.
- Suentar il pli tard trais dis: Preschentar in attest dal medi.
- Tar ina incapacitad da lavurar da pli che 30 dis dovri in nov attest dal medi cun indicaziun dal temp d'inactivad e da la procentuala d'inactivad.

2. Informaziun als posts relevants en cas d'interrupziun da la lavur >30 dis (patrun/patruna)

- Infurmar suenter 30 dis l'assicuranza da diaria per malsauns.
- Tar ina inactivad previsibla pli lunga: Annunziar a la AI/IV (per in'emprima registraziun).
- Infurmar l'administraziun da finanzas da la Baselia chantunala per l'annunzia a la Cassa da pensiun.

3. Offertas da cussegliaziun e d'infurmaziun (collavuraturas/coolavuratur e patrunas/patruns)

- Management da cas da l'assicuranza cumpetenta da la diaria per malsauns
- Registraziun tempriva a la AI: <https://www.ahv-iv.ch/p/4.12.d>
- Management da cas da la Cassa da pensiun: <https://www.pkgr.ch/vorsorge/arbeitsgebende/#case-management>
- Dretg da personal: Artigels 37, 42, 46 da la lescha da personal (CLB 930)
- Partenari da contact per dumondas da salari e d'assicuranzas è l'administratur da finanzas Marcel Schädler. Per dumondas generalas pertutgand il dretg da personal è responsabel l'actuar dal CB, Georg Felix (coordinatas da contact guarda l'annexa).

4. Communicaziun e protecziun da datas (tuttas e tuts involvads)

Ina communicaziun averta e fidada, cun resguardar la protecziun da datas, è essenziala.

2.7. Visitaziuns atun 2026

Las visitaziuns da las emprimas RE èn passadas. Accents principals èn la collavuraziun regionala sco er la situaziun da personal e la promoziun da la giuventetgna.

En connex cun las conferenzas dals presidis regionalis rendain nus attent ad uras a las visitaziuns pendentas. Nus As supplitgain da sustegnair nus cun registrar las datas da contact, la tschertga dals terminis pussaivels sco er l'organisaziun da localitads adattadas al lieu per las visitaziuns.

Las visitaziuns èn:

- Primavera 2026: Sassal-Cuira; Partenz; Herrschaft-V Dörfer
- Atun 2026: Heinzenberg-Tumleasg; Engiadina Bassa-Val Müstair; Ela
- Primavera 2027: Tavau; Bernina-Maloja; Am Rhein

2.8. Respostas ad interpellaziuns da las radunanzas d'atun

Per infurmar tuttas delegadas e tuts delegads cumpara en quest lieu ina resumaziun da las propostas, ils impuls e las damondas ch'il CB ha retschet da las radunanzas d'atun, sco er las respostas latiers.

La RE Am Rhein ha fatg la suandanta dumonda:

Per tge motiv na vegnan las adattaziuns da las pajas da las personas d'instrucziun da religiun betg fatgas sin l'entschatta da l'onn da scola (tenor DECA), mabain sin il nov onn calendari?

En la lescha da personal 930, art. 23, è fixà che l'augment da las pajas succeda per l'entschatta da l'onn. En las plaivs vegn quai realisà da maniera unitara per tuttas gruppas professiunalas, cun excepziun da las personas d'instrucziun da religiun. Tar quellas hai dà dentant tradiziunalmain praticas differentas. Il CB dà pais ad ina schliaziun cuntinuanta ed en il medem mument pragmatica. Per quai pon las plaivs mantegnair lur pratica d'enfin qua e far las adattaziuns da las pajas u per il cumenzament da l'onn calendaric u per il cumenzament da l'onn da scola. Decisiv è ch'i dettia suletta-main ina adattaziun da la paga ad onn.

Da la RE Bernina-Maloja derivan las suandantas dumondas:

La Baselgia chantunala vuleva introducir l'instrucziun da religiun als gimnasis. Damai ch'igl è in project da la Baselgia chantunala n'han las plaivs betg stuì s'occupar da quai. Deplorablmain n'è dentant nagut succedi suenter lung temp.

Plinavant vul la RE savoir da la Baselgia chantunala cura ch'il material d'instrucziun che Barbara Hanusa ha concepì vegn ad esser a disposiziun e sche quest vegn translàtà er en talian e rumantsch.

Tar l'emprima dumonda pertutgand l'instrucziun da religiun als gimnasis:

Suenter ch'ins ha stgaffi la basa, vul dir il regulativ ed il contract, ha la cumissiun speziala ecumena per l'instrucziun da religiun al pregimnasi contactà las diversas scolas. Il medem mument ha ella laschà sviluppar in prototip per la purschida d'ina emna da project che s'orientescha al plan d'instrucziun ecumen. A la Scola media alpina svizra a Tavau ed a la Scola claustrala a Mustér fa l'instrucziun da religiun part da l'urari. A Tavau instrueschan personas d'instrucziun spezialisadas per incarica da la Baselgia chantunala. Er cun la Scola chantunala a Cuira ed autras portadras da scolas che offereschan il pregimnasi essan nus en discurs. Latiers èsi dentant da dir ch'il CB u la Baselgia chantunala evangelic-refurmada n'è betg suletta responsabla per la realisaziun da questa instrucziun. Cunresponsabla è la cumissiun speziala ecumena per l'instrucziun da religiun al pregimnasi. E cunzunt ils pregimnasis che n'èn betg obligads da porscher l'instrucziun da religiun u d'acceptar l'offerta da l'emna da project cun cuntegn or dal plan d'instrucziun da religiun ecumena.

Vinavant dumonda la RE Bernina-Maloja d'avent da cura ch'il med digital per l'instrucziun da religiun vegnia ad esser a disposiziun. La grupp da lavur enturn plevonessa dr. Barbara Hanusa è intensivamain e confirm a l'urari londervi d'elavurar ils cuntegns. Per il mument cumenza la concepziun tecnica uschia ch'ils meds per ils stgalims 1-6 vegnan ad esser a disposiziun il zercladur/gün 2026

ed il material per il stgalim superiur il cumenzament da l'onn da scola 2026/27. Davent da glindesdi, ils 15 da gүн/zercladur enfin venderdi, ils 19 da gүн/zercladur 2026, mintgamai da las 14.00 a las 17.00, èn las scolaziuns obligatorias correspundentas. Confirm al concept cumenzan alura, en in proxim pass, las translaziuns en ils linguatgs talian e rumantsch.

La RE Partenz ha fatg la suandanta dumonda:

En la Partenz constatain nus pli e pli che l'organisaziun da l'instrucziun da religiun vegn pli e pli greva. I sa mussan ils suandants problems: Recrutaziun da persunas d'instrucziun adattadas (memia poucas persunas); garantir las substituziuns tar incapacitads a curta vista da lavurar; coordinaziun mancanta sin plaun regiunal; mancanza d'attractivitat per l'instrucziun (garanzias a las assicuranzas socialas pertutgand divers pensums da lavur fitg pitschens); ressort memia intensiv da temp per in commember da suprastanza. È il CB infurmà da tala problematica er en autras RE e co vul el sa confrontar cun quella?

La RE Partenza sa drizza al CB pertutgant las sfidas organisatorias en connex cun l'instrucziun da religiun. Il CB engrazia en quest lieu explicitamain a tuttas persunas involvadas per il fitg grond engaschament cunzunt per l'instrucziun da religiun a la scola populara. Igl è numnadamain in champ d'activitad fitg impurtant en connex cun nossa incumbensa ecclesiastica. Ils svilups en quest sector observa il CB perquai spezialmain. Il passà ha il CB instradà, confirm a quest fatg, las iniziativas correspundentas cun vista a la scolaziun da novas persunas d'instrucziun e per garantir la qualitad da quella. Menziunar spezialmain vulain nus qua il curs «Religion unterrichten lernen» sco er il nov med d'instrucziun digital. Finamira d'omadus èsi da gudagnar novas persunas per l'instrucziun da religiun. Pertge er in med attractiv che è confirm al temp, ed adattà exactamain al plan d'instrucziun ecumen, duai gidar d'augmentar l'attractivitat da la lavur professiunala per l'instrucziun dal rom religiun. Cun plevonessa dr. Barbara Hanusa dal post spezialisà da pedagogia da religiun en scola han las plaivs ina persuna da contact che po gidar ellas en cas da difficultads en connex cun l'instrucziun da religiun.

La RE Schons-Avrar-Valrain-Moesa ha inoltrà il suandant impuls:

Die RE ha discutà davart ils suandants aspects da la nova dotaziun da plazzas: servetschs divins en il center da tgira, bilinguitad, termins transitorics tar la midada en l'uffizi da pravenda. La RE descriva quests aspects e dumonda il CB per in discurs.

En connex cun fixar la dotaziun da plazzas è il CB entrà en ils aspects numnads. In pensum supplementar per plaivs bilinguas è recepì en l'ordinaziun tar la Lescha da las plaivs. Cun ina brev individuala han las plaivs retschet il november las respostas sin lur dumondas.

3. COMUNICAZIUNS E RETSCHERTGAS DAL DECANAT

3.1. Predicaturas e predicaturs laics enfin la Sinoda 2029

L'atun ha il Decanat nominà da nov a predicaturs laics Martin Kessler, RE Prättigau, e Thomas Richli, RE Herrschaft-V Dörfer. El prolungà la permissiun da predicatur a Sascha Skwartz, RE Tavau. Il Decanat engrazia als predicaturs laics d'enfin qua per lur servetsch a favur da l'annunziasiun.

3.2. Rapports da las predicaturas e dals predicaturs laics

Conform a l'artitgel 34 da la lescha davart l'admissiun (CLB 910) inoltreschan las predicaturas ed ils predicaturs laics a la RE responsabla in rapport a scrit da lur lavur da l'onn passà. Ils rapports pon vegnir aschuntads al protocol. Sche predicaturas u predicaturs returnan lur concessiun, basta ina annotaziun en il protocol.

3.3. Renovaziun dals permiss a predicaturas e predicaturs laics

Avant ch'il Decanat renoveschia la permissiun a predicaturas e predicaturs laics sto el contactar la RE cumpetenta (art. 34 alinea 2 lescha d'admissiun, CLB 910). Perquai supplitgescha il Decanat las RE da far ina recumondaziun per las suandantas predicaturas e predicaturs che han in permiss che finescha cun la proxima Sinoda:

RE Am Rhein:	Edi Wäfler, Domat/Ems
RE Tavau:	Christian Pfeiffer, Davos Dorf
RE Ela:	Helmut Andres, Parsonz
RE Engiadina Bassa-Val Müstair:	Seraina Guler, Sent
RE Heinzenberg-Domleschg:	David Lederer, Dalin Hanspeter Walther, Fürstenaubruck
RE Herrschaft-V Dörfer:	Hanspeter Joos, Malans

3.4. Proceder per conceder la permissiun a predicaturas e predicaturs laics

En il proceder per conceder la lubientscha a predicaturas e predicaturs laics èn involvads tant la plaiv sco la radunanza regiunala ed er il Decanat. Cun relaschar la lescha e l'ordinaziun davart l'admissiun en il servetsch da pravenda (CLB 910 e 912) han ins reglà da nov las cundiziuns d'engaschi per las predicaturas ed ils predicaturs laics. Il Decanat conceda ussa mintga mez onn la lubientscha da predicar e renda attent als suandants punct ch'èn da risguardar latiers:

La supranza da plaiv e l'uffizi da pravenda proponan ina persuna che collavura en ina plaiv grischuna (art. 32 lescha d'admissiun). Las cundiziuns èn menziunadas en art. 9 da l'ordinaziun davart l'admissiun:

1. Persunalitad cumprovada cun experientscha da vita;
2. Interess teologic e connexiun a la tradiziun reformada da la Baselia chantunala;
3. La voluntad d'annunziar, tenor meglier savair e pudair, l'evangelii tenor la Sontga Scritura e conform als principis da la Baselia evangelic-reformada;
4. La prontad da resguardar conscienziusamain la constituziun e l'urden legal da nossa Baselia;
5. Servetsch divin d'emprova en la plaiv.

Il Decanat supplitgescha las plaivs da documentar a scrit la proposta e da comunicar cura ch'il servetsch divin d'emprova è stà.

La **radunanza regiunala** recepescha la proposta da la plaiv. Las candidatas ed ils candidats as preschentan cun in curriculum vitae. Alura suanda ina votaziun confidenziala a scrit davart la proposta. Il

Decanat supplitgescha las RE d'aschuntar il curs da vita al protocol u d'inditgar en quel ils puncts principals e da fixar il resultat da la votaziun.

La basa legala è resumada en in document ch'ins chatta sut «Kirche Praktisch». Per responder a dumondas è la cancelliera Ursina Hardegger gugent a disposiziun (datas da contact guarda l'annexa).

4. RAPPORTS REGIONALS

4.1. Preschentaziun da las provisuras e dals provisurs

Nus envidain las RE da profitar dal termin da lur radunanza per beneventar novas plevonessas u plevons e d'emprender a conuscher quellas/quels. Per quest intent s'adattescha ina preschentaziun a bucca che dat envista en la lavur da la provisura resp. dal provisur.

4.2. Lavur da diaspora

Tenor art. 8 da l'urden «davart la commemoranza ecclesiastica da concretaivels evangelics en vischnauncas politicas senza ina plaiv evangelica (urden davart la diaspora, CLB 230) han las plevonessas ed ils plevons attribuidas ed attribuids ad incaricas da la diaspora, da rapportar da lur lavur en la diaspora a chaschun da la sesida da primavaira da las RE. Ina copia da mintga tal rapport è da trametter vinavant al CB per mauns da la suprastanza dal «Protestantisch-kirchlicher Hilfsvereins Graubünden».

4.3. Organisaziun da l'instrucziun da religiun 2026/27

Las RE coordineschan l'instrucziun da religiun en las plaivs. Per ch'ellas possian ademplir lur incumbensa ston ellas informar ad uras davart eventualas difficultads ch'i pudess dar en las plaivs en connex cun ademplir las disposiziuns legalas.

Il CB supplitgescha perquai las RE da consultar lur commemoras a chaschun da las sesidas da primavaira sch'i detti problems en connex cun l'instrucziun da religiun. Las plaivs che s'annunzian duajan ins render attent al sustegn ch'il post per la pedagogia da religiun da la Baselia chantunala po offerir (adressa guarda en l'annexa). Da l'autra vart vegn la manadra da quest post rendida attent ataras a las situaziuns en ils avis correspundents dals protocols e po uschia contactar ils respunsabels da las plaivs. Uschia pon ins schliar ad uras ils problems en vista al nov onn da scola. Il CB fa attent che tuttas scolassas èn obligadas da sa tegnair a las disposiziuns legalas pertutgand l'instrucziun da religiun.

Sche plaivs tschertgan per l'onn da scola nov 2026/27 anc persunal d'instrucziun As referiescha il CB a la bursa da plazzas «instrucziun da religiun» en la pagina d'internet da la Baselia evangelic-refurmada dal Grischun (adressa guarda en l'annexa).

4.4. Propostas, impuls e dumondas

Tenor art. 27 cf. 11 da la constituziun da la Baselia chantunala po la Regiun ecclesiastica trametter vinavant al CB propostas, impuls e dumondas ch'ella retschaiva. Quai po far sulettain la radunanza regiunala e betg singuls delegads. Il resultat exact da la votaziun en chausa è d'inditgar en il protocol.

Sch'il CB recepescha *propostas*, preschenta el quellas per consultaziun a las RE ed a la Sinoda. Alura fa il GCE la discussiun finala surlonder. Propostas che vegnan acceptadas chaschunan midadas da la lescha. Sch'il CB tracta *impuls* e *dumondas*, po el prender en quest senn sez las mesiras e realisar quellas.

5. DIVERSAS

5.1. Annunziar mutaziuns

Nus supplitgain las plaivs d'annunziar uschè svelt sco pussaivel al secretariat da la Baselgia chantunala midadas da personal, da lur suprastanzas, dals delegads da la RE sco er da collavuraturas e collavuratur. Il secretariat maina glistas per invits a sesidas da las RE, per radunanzas dals organs da la Baselgia chantunala e per distribuziuns d'infurmaziuns impurtantas che van a las personas pertutgadas e commembers da las autoritads ecclesiasticas da las plaivs. Actualisaziuns simplifitgeschan la lavur, tant da las plaivs sco er da noss secretariat.

5.2. Giubileums

Las suprastanzas regionalas e da las plaivs pon annunziar al CB giubileums da servetsch (20, 25 u 30 onns) d'employad(a)s ecclesiastic(a)s e collavuratur(a)s voluntari(a)s. Tgi che lavura pli ditg che 20 onns per ina plaiv e che finescha l'activitad per quella, pon ins medemamain annunziar. Vus pudais aschuntar las annunzias al protocol u trametter quellas a scrit sco communicaziun separada a l'actuar dal CB, ser Georg Felix (adressa guarda annexa). Igl è indispensabel d'inditgar il num cumplet e l'adressa da la persuna sco er sia funcziun e la durada exacta da l'engaschament.

Las giubilaras ed ils giubilar, resp. collavuraturas e collavuratur sur blers onns, survegnan, dasper la renconuschientscha atras la plaiv u la RE, in document uffizial sco er in regal dal CB.

5.3. Proceder tar midadas en uffizis da pravenda

En la pagina d'internet da la Baselgia chantunala (www.gr-ref.ch/downloads) chattais Vus in fegl d'informaziun cun recumandaziuns co ch'igl è da proceder cun occupar da nov il post da plevon u plevonessa (guarda sut «Pfarrpersonensuche, Checkliste»). En la pagina d'internet è er a disposiziun ina glista da substitutas e substituts.

Tar mintga midada en l'uffizi da pravenda è prevista ina inspecziun extraordinaria en la partiziun correspondent da l'archiv da la plaiv. Questa lavur ademplescha in commember da la cumissiun d'archiv da la Baselgia chantunala. Il CB supplitgescha las suprastanzas da las RE ch'ins dettia part avant la partenza d'ina plevonessa u d'in plevon al president da la cumissiun d'archiv, ser Georg Felix, (adressa guarda annexa). Tenor reglament 821 surpren la plaiv ils custs da questa inspecziun.

5.4. Chalender da las collectas 2026

A chaschun da sia sesida dals 19 da november 2025 ha il Cussegl grond evangelic fixà las collectas chantunalas da l'onn 2026. Il chalender da las collectas sco er ils avis detagliads latiers chattais Vus sut «Kirche Praktisch» en la pagina d'internet da la Baselgia chantunala (adressa guarda l'annexa).

5.5. Sesidas dal CGE 2026

Mesemna, 3-6-2026 (l'entir di), sala dal Cussegl grond, Cuira

Mesemna, 18-11-2026 (l'entir di), sala dal Cussegl grond, Cuira

5.6. Sesidas dal CB 2026

Il CB sa scuntra ina giada il mais. Giavischs e supplicas a quel duajan ins drizzar a l'administraziun almain trais emnas avant il termin correspondent da sesida.

Termins da las sesidas 2026: 15 da schaner, 19 da favrer, 19 da mars, 16 d'avrigl, 21 da matg, 11 da gün/zercladur, 2 da lügl/fanadur, 13 d'avust, 17 da settember, 29 d'october, 19 da november, 10 da december.

5.7. Radunanzas da la Sinoda

26/27 da schaner 2026, dieta da lavur sinodala a Cuira
25-29 da zercladur/gün 2026, Sinoda a Flem

5.8. Termens da las radunanzas regiunalas da primavaira 2026

RE Am Rhein	18 da mars
RE Bernina-Maloja	25 da mars
RE Davos	26 da mars
RE Ela	11 da mars
RE Engiadina Bassa-Val Müstair	8 d'avrigl
RE Heinzenberg-Domleschg	11 da mars
RE Herrschaft-V Dörfer	18 da mars
RE Prättigau	18 da mars
RE Sassal-Cuira	19 da mars
RE Schams-Avers-Rheinwald-Moesa	18 da mars
RE Schanfigg-Churwalden	25 da mars
RE Surselva	11 da mars

Las proximas conferenzas presidialas da las RE èn mesemna, ils 18 da favrer 2026, da las 14.00 en-
fin las 16.00, e mesemna, ils 12 d'avust 2026.

5.9. Termens da las radunanzas regiunalas l'atun 2026

Nus supplitgain las actuaras ed ils actuar d'inditgar en il protocol ils termens da las radunanzas regi-
nalas da l'atun 2026.

5.10. Inoltrar ils protocols da las radunanzas regiunalas

La radunanza a la quala il CB vegn ad evaluar ils protocols da las radunanzas regiunalas è il matg, la
documentaziun latiers vegn tramessa l'avrigl.


Per ch'ins possia far l'evaluaziun essan nus engraziaivels sche Vus tramettai il protocol en furma
electronica (sco datoteca Word, betg scanà) uschè svelt sco pussaivel al secretariat, Romana Lü-
chinger (romana.luechinger@gr-ref.ch, adressa guarda annexa). Ils protocols suttascrits, en furma

da palpiri inclus las aschuntas, vegnan archivads. Per plaschair tramettai quels enfin ils **15 d'avrigl**, medemamain al secretariat.

Preavis: Il termin d'inoltrar ils protocols da las radunanzas regiunalas da l'atun vegn ad esser ils **20 da settember**.

Cuira, december 2025

Cussegl da baselgia evangelic



Erika Cahenzli-Philipp
presidenta



Georg Felix
actuar

6. ANNEXAS (ADRESSAS)

Actuar dal CB

Ser Georg Felix
Loëstrasse 60, 7000 Cuir
081 257 11 03
kirchenratsaktuar@gr-ref.ch

Administratur da finanzas

Marcel Schädler
Loëstrasse 60, 7000 Cuir
081 257 11 04
marcel.schaedler@gr-ref.ch

Direcziun vita ecclesiastica

Johannes Kuoni
Loëstrasse 60, 7000 Cuir
081 257 11 85
johannes.kuoni@gr-ref.ch

Pedagogia da religiun en scola

Plevonessa dr. Barbara Hanusa
Loëstrasse 60, 7000 Cuir
081 257 11 86
barbara.hanusa@gr-ref.ch

Post da stab communicaziun

Ser Stefan Hügli
Loëstrasse 60, 7000 Cuir
081 257 11 06
stefan.huegeli@gr-ref.ch

Jan Roth (davent dal mars 2026)
Loëstrasse 60, 7000 Cuir
081 257 11 06
jan.roth@gr-ref.ch

Cancelliera (decanat)

Plevonessa Ursina Hardegger
Loëstrasse 60, 7000 Cuir
081 257 11 02
kanzellarin@gr-ref.ch

Medioteca da la Baselia

www.mediogr.ch

Pagina d'internet da la Baselia chantunala

www.gr-ref.ch
Informaziuns e servetschs guarda «Downloads» e «Kirche praktisch» (sut «Service»)